

KEYBOARD MAN DI GRUPO 4:40 Y MIAMI SOUND MACHINE HILDWARD CROES Y CLAY OSWALDE

DEN AMBIENTE a logra di haña e dos musico nan aki hunto, pa asina nan por a intercambia nan ideanan musical riba nan tereno. Actualmente ambos grupo latino ta gozando di un popularidad inmenso den henter Mundo. **Juan Luis Guerra** y su grupo **4.40** a caba di conquista "GRAMMY AWARD" loke ta e premio mas prestigioso cu un musico o un grupo por logra den nan carera artistico, mientras cu Miami Sound Machine cu su super-estrella **Gloria Estefan** cu a caba di recupera di un accidente, ta cosechando exito tras di exito den nan actual gira cu lo bai termina na Puerto Rico despues di Aruba. Despues cu nan a caba di combersa riba nan tereno artistico, **DEN AMBIENTE** a entrevista **Clay**. **Clay Oswald** ta compositor y productor di Miami Sound Machine, y tambe musico di studio. E ta un graduado di conservatorio di Miami, y despues di su graduacion e la bai forma un banda "The Company" costiti di seis musico cu tambe a caba di gradua na e mesun conservatorio. Tabata cinco aña pasa cu Miami Sound Machine tabata tin mester di musico. E motibo tabata cu hopi di e originalnan a cuminsa drenta den nan bida matrimonial y a dicidi di stop di toca. Debí cu nan tabata un grupo hopi uni nan a ser aserka pa forma parti hunto cu Miami Sound Machine. Prome cu nan a wordo aserka semper Emilio tabata bishita nan ora nan tabata duna nan presentacionnan y tabata aprecia nan forma di toca. Clay a bisa cu

ta pa casualidad ora nan a drenta den e banda Miami Sound Machine a cuminsa popularisa. Segun Clay, traha cu Gloria y Emilio Estefan ta algo maraviyoso. Nan ta hende sumamente agradabel y sensitivo pa traha cu ne. Nos ta manera un familia uni y nos lo keda hunto pa hopi añanan mas segun Clay. Despues cu gloria a recupera nan tabata bai na cas di familia Estefan pa programa nan show. E produccion di e show a dura dos luna pa enseña. Gloria tabata hopi entusiasmo y tabata kier algo hopi especial pasobra e tabata hopi contento di por ta ariba escanario atrobe.

E show cu nan a programar ta identico tur caminda cu nan presenta, y ta masha hopi gasto tin envolvi pa cu e show aki. Gloria kier su mes un escanario cu tur su mes un equipo di sonido, y tambe cu video y dos pantalla gigantesco. Nan a laga construi tres escenario, mientras nan tabata actuando na Caracas, un di e escanario tabata wordo arma na Maracaibo y e otro aki na Aruba. Esun di Aruba a bin for di Colombia. Nan premier tabata 1 di Maart 1991 na Miami Arena, despues nan a continua cu nan gira Mundial y a bishita Europa unda nan a permanece pa tres luna, Australia, Malasia, Japon, Filipina, Bangkok, Singapor, Mexico, Colombia, Venezuela, Aruba y lo termina na Puerto Rico. Esun di mas great y cu Gloria a gusta mas tabata na Hulanda, caminda tur nan concierto nan tabata "soldout" for di



antemano caba. Pa dia 28 di Maart nan lo ta den Miami Arena atrobe hunto cu orquesta Sinfonimo cual ta un orquesta super potente. Na April nan lo ta na Paris pa apertura di Walt Disney. Despues di Paris nan lo tuma vacacion pa nan regresa den studio pa graba nan tres produccionnan nobo. Nan produccionnan nobo ta composita y aregla caba. Segun Clay Oswald cu ariba un di e produccion e cantante Cubano Jon Secada lo bai sobresali y lo bai ta un suprstar den futuro. Tambe e

la duan **DEN AMBIENTE** e primicia pa keda pendiente cu un super cantica di pasco di Gloria Estefan. Tocante su estadia na Aruba e ta haña compera cu paisnan grandi, Aruba ta hopi trankil y dushi. Aruba ta chiquito pero ta hopi luhoso cu su Hotelnan y

su playanan. E bon servicio cu bo ta haña aki na Aruba, bo no ta haña na paisnan grandi. E la finalisa bisando **DEN AMBIENTE** cu su honeymoon lo ta aki na Aruba. E relato aki lo ser manda pa su persona na Miami.



PROFESSIONAL TATTOOS

Semper bo tabata kier TATTOO, pero no tabata sa ken pa confia ?

*Professional Design
* Safe & Steril
* Privacy

Traha bo appointment na TEL:36602

Dia 17 di Maart
**PAPITO Y SU
DOBLE SABOR
V.S. ECLIPSE
DEN BLUE WAVE**

Pa habri dia di himno y bandera den un ambiente romantico bo mester ta den BLUE WAVE. E Tianan lo wordo mara "ticht ticht" bao di e rayonnan di Eclipse, prome cu nan sali pa Hulanda. Eclipse e banda cu a causa furror durante carnaval lo bin cu su repertorionan nobis nobis pa baha bo stress. Papito y su doble sabor manera semper ta campeon den nan repertorionan cu hopi sauce y sabor. **DEN AMBIENTE** lo tey pa kibra e cabuya.

BLUE WAVE Nightclub

**Yen di ambiente
y gozo!!**

**DIASABRA ANOCHI
LOS PIMENTOSOS
CU E DJACA**

